



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: UP-1/21-3-40-655-6/22

Datum: 06.03.2023. god.

„Agencija za vodno područje rijeke Save“ Sarajevo rješavajući po zahtjevu pravnog lica „DRVOPLAM“ d.o.o. Fojnica za donošenje rješenja o vodnoj dozvoli za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete kao posljedica proizvodnog procesa koji se odvija na lokaciji objekta za primarnu preradu drveta, izgrađenog u naselju Podcitionja, općina Fojnica, na osnovu člana 109. stav (2), Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „DRVOPLAM“ d.o.o. Fojnica daje se vodna dozvola za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete kao posljedica proizvodnog procesa koji se odvija na lokaciji objekta za primarnu preradu drveta, izgrađenog u naselju Podcitionja, općina Fojnica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se prikupljanje i privremeno skladištenje piljevine i otpadaka od drveta iz procesa obrade drveta vrši na način da se onemogućí njegovo rasipanje po okolnom terenu, tj. spriječiti da ista dospije u vode.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost.
 - 3.4. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.5. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.6. Da korisnik redovno prikuplja otpad (zemlja, pijesak i sl) u postupku čišćenja trupaca prije obrade istih, kako bi se onemogućilo zagađenje podzemnih voda. Prikupljeni otpad odlagati na površine koje su predviđene za tu namjenu i zbrinjavati ih na adekvatan način.
 - 3.7. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine

Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH", broj broj 92/07, 46/09, 79/11 i 88/12), Prilog 1., Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole korisnik objekta „DRVOPLAM" d.o.o. Fojnica je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne pilane obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „DRVOPLAM" d.o.o. Fojnica, obratio se ovoj Agenciji sa zahtjevom za izdavanje vodne dozvole za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete na vode a koje se provode na lokaciji objekta za primarnu preradu drveta, izgrađenog u naselju Podcitonja, općina Fojnica.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija rješenja o registraciji u sudski registar Općinskog suda u Travniku, broj: 051-0-Reg-14-000711 od 17.12.2014. godine;
- Ovjerena kopija obavještenja o razvrstavanju pravnog lica prema klasifikaciji djelatnosti;
- Ovjerena kopija Uvjerjenja o poreznoj registraciji donesenog od strane Porezne uprave Federacije BiH – Kantonalni porezni ured Novi Travnik od 19.12.2014. godine;
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza, upisan je «DRVOPLAM» d.o.o. Fojnica broj: 04/1-17-1-UPJR/1-234-2/15 od 30.01.2015. godine, izdatog od strane Uprave za indirektno-neizravno oporezivanje Banja Luka;
- Kopija Rješenja o odobrenju za obavljanje djelatnosti rezanja drveta za pilanu privrednom društvu „DRVOPLAM" d.o.o. Fojnica, donesenog od strane Ministarstva privrede Srednjobosanskog kantona, broj: 03-18-1875/15 od 01.09.2015. godine;
- Kopija Rješenja o odobrenju za izvođenje radova na izgradnji poslovno-proizvodnog objekta u mjestu Podcitonja, općina Fojnica na zemljištu označenom kao k.č. broj 1008/2 K.O. Ostružnica, dato od strane Službe za urbanizam, obnovu, građenje, katastar i imovinsko-pravne poslove Općine Fojnica, broj: 05-23-2082/06 od 13.11.2006. godine;
- Kopija Rješenja o upotrebnoj dozvoli, donešenog od strane Službe za urbanizam, obnovu, građenje, katastar i imovinsko-pravne poslove Općine Fojnica, broj: 05-23-2935/06 od 29.12.2006. godine;

- Kopija Vodoprivredne saglasnosti izdate od strane Ministarstva šumarstva, poljoprivrede i vodoprivrede Srednjobosanskog kantona, broj: 05-25-401/06 dana 02.10.2006. godine;
- Glavni projekat pilane, urađen od strane «BOSNAPROJEKT» Fojnica, august 2006. godine (na uvid);
- Kopija katastarskog plana;
- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-673-3/15 od 16.01.2016. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 21.12.2022. godine konstatovano je da podnosilac zahtjeva „DRVOPLAM“ d.o.o. Fojnica neredovno izmiruje svoje obaveze uplate posebnih vodnih naknada.

Na osnovu očitovanja Službe za prikupljanje prihoda od vodnih naknada od 06.03.2023. godine konstatovano je da podnosilac zahtjeva „DRVOPLAM“ d.o.o. Fojnica izmirio svoje obaveze uplate posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 25.01.2023. godine izvršen pregled objekata, o čemu je sačinjen Zapisnik o uviđaju broj: UP-I/21-3-40-655-4/22.

Pregledom dostavljene projektne i druge dokumentacije i izvršenog uviđaja na lokaciji utvrđeno je sljedeće:

Predmetni kompleks za proizvodnju rezane građe izgrađen u naselju Podcitionja, općina Fojnica, sa lijeve strane magistralnog puta Sarajevo – Fojnica, na parceli označen kao k.č. broj 1008/2 K.O. Ostružnica, općina Fojnica.

Predmetna parcela se ne nalazi u vodnom dobru niti zaštitnim zonama izvorišta vode za javno vodosnabdjevanje. U blizini objekta, sa suprotne strane magistralnog puta, nalazi se rijeka Fojnica, na koju predmetni objekat nema uticaja.

Kompleks se sastoji od sljedećih cjelina: proizvodni pogon za rezanje drvene građe natkriven nadstrešnicom, stovarište oblovine, stovarište gotovih proizvoda i priručni magacin sa nadstrešnicom, prostor za skladištenje piljevine.

Osnovni tehnološki proces proizvodnje rezane građe obuhvata sljedeće operacije: dovoz sirovine (drvene oblovine), privremeno skladištenje sirovine na manipulativni prostor, rezanje oblovine u finalni proizvod: dasku i gredice. Kapacitet pilane je 3.000 m³ oblovine godišnje. Na predmetnoj lokaciji povremeno se vrši čišćenje (sapiranje) oblovine. Proizvodni pogon za rezanje drvene građe radi sezonski (proljeće-jesen).

Na predmetnoj lokaciji nema parkinga i značajnog prometa vozila, niti se vrši skladištenje nafte i naftnih derivata.

Za prikupljanje piljevine izveden je zatvoreni sistem otprašivanja sa prostorom za skladištenje piljevine, tako da nema rasipanja piljevine po platou kompleksa. Piljevina i otpad koja nastaje preradom drveta se prodaje trećim licima za proizvodnju peleta (dokaz račun o prodaji piljevine).

Na osnovu vizuelnog pregleda proizvodnog pogona i manipulativnog prostora, nisu registrovani potencijalni izvori zagađenja, koji bi mogli negativno uticati na kvalitet površinskih i podzemnih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH”, broj: 46/07, 10/14 i 03/16).

Podnosilac zahtjeva je uplatio i posebne troškove shodno Zaključku ove Agencije, broj: UP-I/21-3-40-655-5/22 od 30.01.2023.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj: 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- DRVOPLAM d.o.o. Fojnica, Ostružnica bb, 71270 Fojnica
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča AVP Sava